




ხაშურის მთაშენი



№2 (33)

18 იანვარი, ორშაბათი, 2015 წელი

19 იანვარს ნათლისღება – ბილოსავით!



ნათლისღება - ეს არის დღე, როცა უფალმა ჩვენმა იესო ქრისტემ მდინარე იორდანიში სიმდაბლით იოანე ნათლისმცემლისგან ნათელილო და წყალი ხრწნილებისაგან განწმიდა, რათა მის მიერ ცოდვათა მოცივება მოენიჭებინა ჩვენთვის. მაცხოვარმა თვითონ კი არ მიიღო სინამდის ან, როგორც უცოდველი, განწმედას კი არ საჭიროებდა, არამედ ნათელილო ჩვენი შეწვევისათვის, შემეხსრავებდა და განწმედილი წყლით ჩვენი უსჯულოება განბანა.

ნათლისღებისას სულიწმიდის საიდუმლო მოქმედებით ქრისტიანი ქრისტეს სხეულს, ეკლესიას უერთდება. საიდუმლო კი მადლის უხილავ მოქმედებაში მდგომარეობს: წყალი სხეულს განწმენდს, სულიწმიდა კი გონებისათვის მიუწვდომლად თვით სულს განბანს. განა ეს საკვირველია? უბრალო მაგალითი მოვიშველიოთ: როცა ცეცხლი რკინის სიბრქეში შედის, ყველაფერი ცეცხლად იქცევა. ამ დროს ცივიც ცხელდება და შავიც ნათდება. თუკი ნივთიერი ცეცხლი რკინაში შედის, ასე დაუბრკოლებლად მოქმედებს, რაღა გასაკვირია, რომ სულიწმიდა სულის სიღრმეში აღწევდეს? (კირილე იერუსალიმელი).

ამ დღეს ღვთის განცხადება ეწოდება, რადგანაც სწორედ მაშინ განცხადდა ჰირველად სამება ძე ნათელს იღებდა, სულიწმიდა მტრედის სახით ჩანდა, ხოლო ციდან ისმოდა მამის ხმა: ესე არს ძე ჩემი საყვარელი, რომელ მე სათნო ვიყავ.

გიორგი გურასაძე: ვტიქრობთ, 2016 წელი ბევრად წარმატებული იქნება, ვიღრო 2015

ახლა, როდესაც ძველ წელს უკვე მთელი 20 დღე გვაშორებს, შეიძლება ითქვას, რომ 2016 წელი ძალაში შევიდა. ეს წელი, წინასთან შედარებით, რატომ უნდა, პოლიტიკურად მეტად დატვირთული იქნება და წინ ბევრი ვნებათაღელვაც გველის. თუმცა, პოლიტიკის გარდა, ჩვენს მუნიციპალიტეტს, ბუნებრივია, მრავალი ეკონომიური ხასიათის სიახლეები თუ გამოწვევებიც ელის. სწორედ ამ გეგმების გასაცნობად ვთხოვეთ ინტერვიუ მუნიციპალიტეტის გამგებელს **გიორგი გურასაძეს**, რომელიც სიამოვნებით დაგვთანხმდა.


-ბატონო გიორგი, ვიღრა 2016 წლის გაბეზება ვისაუბრებთ, მოკლად შეაფასეთ გასული წელი. როგორი იყო იგი ჩვენი მუნიციპალიტეტისათვის?

-უპირველეს ყოვლისა, თქვენს მკითხველს და ჩვენს თითოეულ თანამოქალაქს კიდევ ერთხელ გულოცავ შობა-ახალ წელს და ყოველივე საუკეთესოს ვუსურვებ. რაც შეეხება გასულ წელს, ჩვენი მუნიციპალიტეტისათვის, ეკონომიური კუთხით, ის წელი, შეიძლება ითქვას, რომ წარმატების წელი იყო. ყოველ შემთხვევაში, იმ რესურსით, რაც გავაჩნდა, მაქსიმალურის მიღწევა შევძელით. თვითონ განსაჯეთ: ინფრასტრუქტურულ თუ სხვა პროექტებზე 2015 წელს 6 მილიონ ლარზე მეტი დაიხარჯა. ამხელა თანხა ერთ წელიწადში, დამოუკიდებლობის მოპოვების შემდეგ, ხაშურის მუნიციპალიტეტში არ დახარჯულა. ამას დაამატეთ აიპ „ხაშურსერვისისა“ და „სავანეს“ მიერ განხორციელებული ნახევარ მილიონზე მეტი თანხის პროექტები და საკმაოდ სოლიდურ ციფრს მივიღებთ. მიხარია, რომ შევძელით და განვახორციელეთ საბავშვო ბაღების რეაბილიტაციის პროექტი, სადაც ჩვენს პატარებს უკვე შეუძლიათ უღამაზეს გარემოში ყოფნა. ასფალტის საფარი გადაეკრა მრავალ ქუჩას, მათ შორის ისეთებს, სადაც მსგავსი საფარი არასოდეს ყოფილა. გარე განათებას კიდევ 3 ათასი ნათურა დამატა და ეს ნამდვილად არაა ცოტა. თქვენ წარმოიდგინეთ, რამდენიმე სოფელი ბოლო 30 წლის განმავლობაში ელექტროენერჯის გარეშე იყო დარჩენილი და ეს პრობლემაც გადაგჭირით. ამ ყველაფერს დაუმატეთ სოციალური სახის პროექტები, რომელზეც ასევე სოლიდური თანხა იყო გამოყოფილი და საბოლოო ჯამში მივიღებთ, რომ 2015 წელი ნამდვილად არ იყო ურიგო და წარუმატებელი.

-ბატონო გიორგი, ახლა 2016 წლის გაბეზებას ვისაუბროთ...

-მოგესხენებათ, 2016 წელი არჩევნების წელია, მაგრამ ეს სრულებითაც არ ნიშნავს, რომ რომელიმე დაგეგმილი პროექტის განხორციელებას საფრთხე შეექმნას. გეგმები კი უამრავი გვაქვს და, რაც მთავარია, მათი შესრულების ფინანსური რესურსიც მონახულია. გასულ წლებში, როგორც წესი, ასე ხდებოდა: ნებისმიერი ინფრასტრუქტურული პროექტის მომზადება წლის დასაწყისიდან იღებდა სათავეს, რაც, რა თქმა უნდა, ვადების მკვეთრ გადაწვევას იწვევდა და ბევრი პროექტის განხორციელება გვიან შემოდგომით ან ზამთრის პირობებში ხდებოდა. ჩვენ შევძელით ამ, ასე ვთქვათ, „სტერეოტიპის“ შეცვლა და უკვე გასულ წელს მოვახერხეთ 2016 წლისთვის დაგეგმილი პროექტების მომზადება. დღეს ყველა მსხვილი განხორციელებული მშენებლობის პროექტირება, ფაქტობრივად, უკვე ხელთ გვაქვს. უახლოეს დღეებში დავიწყოთ ტენდერების გამოცხადებას და მშენებლობებიც ფართოდ გაიშლება. რამდენიმე მსხვილ პროექტზე მოგახსენებთ: აშენდება სრულიად ახალი საბავშვო ბაღი თვედორე მდვლის ქუჩაზე, რისთვისაც 800 ათასი ლარია გამოყოფილი. ჭალის უბანში მოასფალტდება გზები, სურამში მთლიანად ასფალტის საფა-

რით დაიფარება 9 აპრილის ქუჩა, რომელიც საკმაოდ გრძელი მონაკვეთია. მდინარეების ბიჯნისუღას და სურამუღას ნაპირსამაგრი და გაწმენდითი სამუშაოები კვლავ მსხვილი მასშტაბით გაგრძელდება. აღსანიშნავია, რომ ამ სამუშაოების ფინანსირება მთლიანად ადგილობრივი ბიუჯეტიდან განხორციელდება. რაც მთავარია, როგორც იქნა მივიყვანეთ საბოლოო კონდიციამდე და ვიწყებთ სასპორტო კომპლექსის მშენებლობას. პროექტი უკვე მზადაა. ამ მშენებლობას 2 მილიონ 300 ათას ლარზე მეტი მოხმარდება.



და ორ ეტაპად განხორციელდება. 2017 წელს ხაშურს თანამედროვე ტიპის, შესანიშნავი სასპორტო კომპლექსი ექნება. პარალელურად გაგრძელდება გარეგანათების, სოფლების გზების, საკანალიზაციო თუ სანიტარული არხების რეაბილიტაციის პროექტები. მთლიანად ჯამში, ადგილობრივი ბიუჯეტიდან, ინფრასტრუქტურის სამინისტროდან, მოზიდული სახსრებიდან გამოყოფილმა თანხამ 2015 წლის მონაცემებს უნდა გადააჭარბოს, რაც, რა თქმა უნდა, წინსვლის მაჩვენებელი იქნება. ასე, რომ მომავალს იმედით ვუყურებთ.

-ბატონო გიორგი, 2016 წელი, მოგახსენებთ, საპარლამენტო არჩევნების წელია. თქვენ, მუნიციპალიტეტის გამგებლობასთან კარგად თუ უკარგად, საკმაოდ საინტერესო პროცესი გახდება თქვენთვის. ეს თანამდებობა ნინასარგველი პროცესის თუ არჩევნების კარიკულში ხელს ხომ არ შეგიზღოთ საპარლამენტო საქმის განხორციელებაში?

-ამ მხრივ, სამეურნეო საქმიანობას არავითარი საფრთხე არ შეექმნება, რადგან ორგანიზაციის მართვის სტრუქტურა იძლევა ამის საშუალებას. ჯერ ერთი, პარტიას დაენიშნება აღმასრულებელი მდივანი, რომელიც იმ ძირითად ფუნქციებს შეასრულებს, რაც პარტიის ამოცანები და მოვალეობებია, მეორეც - არჩევნების პროცესის პიკის პერიოდში მე აღბათ ვისარგებლებ კუთვნილი შვებულებით და მუნიციპალიტეტის გამგებობის სამეურნეო საქმიანობის მართვას, ამ პერიოდში, ის, უკვე გამოცდილი და მობილიზებული გუნდი გააგრძელებს, რომელიც, საბედნიეროდ, ჩვენს მუნიციპალიტეტს ჰყავს. ასე, რომ ამ მხრივ შეფერხება არ იქნება.

ბ. გოგოლაძე

სოფლის მეურნეობა

ინფორმაცია განუვლი კონსულტაციების შესახებ

ხაშურის მუნიციპალიტეტის მასშტაბით 2015 წელს გაწეული იქნა 1575 კონსულტაცია 1895 ფერმერზე და აგრარულ სფეროში დასაქმებულ პირებზე. კონსულტაციები 10 ძირითად მიმართულებაზე განხორციელდა. კონსულტაციები გაწეული გვაქვს სულ ოფისის გარეთ 22-ჯერ 320 ფერმერზე, ოფისში 1403 კონსულტაცია გაეწია 1403 ფერმერს და სატელეფონო შეტყობინების ჩათვლით 150 კონსულტაცია მიიღო 150 ფერმერმა. აღნიშნული კონსულტაციები გაემართეთ ფერმერებთან და აგრარულ სფეროში დასაქმებულ პირებთან სოფ. აღში, წაღვლში, ფლეშში, ტოცაში, წროში, ხცისში, ხაღვში, მიწობში, ოსიაურში, პატარა ახალსოფელში, ცოცხნარაში, ქემფერში, ცივყაროში, ბეკაში, ქვიშეთში, ტეხურში, ცხრაშხაში, გომში და სხვა სოფლებში შემდეგ თემებზე - აგროდაზღვევის, შეღავათიანი აგროკრედიტის, სამთავრობო პროგრამების „დანერგე მომავალი“-ს, „აწარმოე საქართველოში“, სარწყავი თანამედროვე სისტემების გამოყენებით სასოფლო-სამეურნეო პროდუქციის მოსავლიანობის გაზრდის, სასოფლო სამეურნეო კოოპერატივების შექმნის, მეცხოველეობის, მეფუტკრეობის, ბოსტნეული კულტურების, ხილის, ვენახის, მარცვლეულის, მექანიზაციის სამუშაოების შესასრულებლად თანამედროვე ტექნიკის გამოყენების ეფექტიანობის საკითხებზე და სხვა. განსაკუთრებით დამინტერესებელი იყო ფერმერების მონაწილეობით სადემონსტრაციოდ შერჩეული ფართობების დათვალიერება - ბოსტნეული კულტურებზე სოფ. ტოცაში სასოფლო სამეურნეო კოოპერატივი „სადა“-ს ერთ ჰექტარზე დათესილი ხახვის ფართობზე, ვაშლის ბაღზე რ/კ „ბარაქა“-ს ერთ ჰექტარ ფართობზე, ვახზე სოფ. ქვიშეთში მდებარე რ/კ „ცივყარო“-ს 1,5 ჰექტარ ფართობზე, მარცვლეულზე (ხორბალი) სოფ. ვაყაში ფერმერის ილია მაჭარაშვილის 5 ჰექტრიან ფართობზე პომიდურის ნარგავობაზე სოფ. ოსიაურში ფერმერ ტარიელ მეტივიშვილის 5 ჰექტრიან ფართობზე, ღობიოს კულტურაზე სოფ. ოსიაურში ფერმერ ვაჟა მახარაშვილის 1 ჰექტრიან ფართობზე და სიმინდზე სოფ. ოსიაურში ტ. მეტივიშვილის 10 ჰექტრიან ფართობზე. შეხვედრაზე სიახლეების მიწოდებას ვახდენდით როგორც საუბრის და კითხვა-პასუხის პირობებში, ასევე ფერმერებს და დამსწრე საზოგადოებას ვურიგებდით სამინისტროსა და არასამთავრობო ორგანიზაციების მიერ მოწოდებულ ბუკლეტებს, ბროშურებს, გაზეთებს და ჩვენს მიერ მომზადებულ მასალებს, ხოლო სადემონსტრაციო ფართობების დათვალიერებისას დასახელებული ლიდერი ფერმერები დამსწრეებს აცნობდნენ თავიანთი მუშაობის გამოცდილებებს. აღნიშნული ტენდენციები მომა-



ვალშიც ფართო გავრცელებას მიიღებს და ფერმერთა ჩართულობაც გაიზრდება. სახელმწიფო პროგრამების ფარგლებში, კერძოდ „დანერგე მომავალი“-ს შესახებ დღეის მდგომარეობით 9 ფერმერმა მოგვმართა განცხადებით ხილის გაშენებისათვის სასოფლო სამეურნეო დანიშნულების მიწის პროგრამით დადგენილი კრიტერიუმების გათვალისწინებით მომზადების თაობაზე, რომელიც ჩვენს მიერ შემოწმებული იქნა ადგილზე და გაცემული გეგმავს აღნიშნულის შესახებ 9 ცნობა. ადგილობრივი თვითმმართველობის ორგანოებთან, მუნიციპალიტეტის გამგებელთან, წლის განმავლობაში ოთხჯერ მოხდა შეხვედრა „აგროდაზღვევი“-ს „დანერგე მომავალი“-ს, „შეღავათიანი აგროკრედიტი“-ს, სასოფლო-სამეურნეო კოოპერატივების შექმნის, მედიორაციის საკითხებზე. შეხვედრას ესწრებოდნენ მუნიციპალიტეტის გამგებლის სამსახურის უფროსები და ადმინისტრაციული ერთეულების გამგებლის წარმომადგენლები, გარდა აღნიშნულისა გამგებლის წარმომადგენლებთან ყოველი კვირის სამშაბათს (წლის განმავლობაში 50-ჯერ მისც) ვახდენდით შეხვედრას, სადაც მათგან ვღებულობდით ინფორმაციებს სამთავრობო პროგრამების მიმდინარეობაზე, ფერმერების საგაზაფხულო სასოფლო-სამეურნეო სამუშაოების ხელშეწყობის პროგრამით ხვნის ბარათების დარიგების და გამოყენების თაობაზე, მიმდინარე სასოფლო სამეურნეო სამუშაოების - ხვნის და თესვის, თავთავიანი კულტურების მოსავლის აღების პროცესებზე მათთან შეთანხმებული გეგმა-გრაფიკების გათვალისწინებით, ასევე შეხვედრების დროს ხდებოდა აგრარულ სფეროში განსახორციელებელი ყველა სამთავრობო პროგრამის და დადგენილებების, მათში შეტანილი ცვლილებების თაობაზე და სხვა აგრარულ საკითხებზე. საანგარიშო პერიოდში სულ ოთხჯერ მოეწყო შეხვედრა არასამთავრობო ორგანიზაცია „Mercy corps“-ს, ევროპის სამეზობლო პროგრამა სოფლის მეურნეობისა და სოფლის განვითარებისათვის USAID-ის წარმომადგენლებთან. შეხვედრები მიემდგვნა „ENPARD“-ის ინიციატივით განსახორციელებელი პროგრამების - სასოფლო სამეურნეო კოოპერატივების ბიზნესის განვითარების მხარდაჭერას, სასოფლო სამეურნეო სერვისის მიწოდება მხარდაჭერას, წვრილი ფერმერებისათვის მისაწოდებელი სერვისების გაუმჯობესებისათვის ცნობიერების ამაღლებასა და ინვენსტიციების მხარდაჭერას. ასევე, მოეწყო შეხვედრა USAID/NEO-ს პროექტის ხელმძღვანელების და ფერმერების მონაწილეობით ვენახის და ხილის სადემონსტრაციო ნაკვეთების დათვალიერებისათვის, გარემოს განვითარების პროგრამის UNDP-ს ფარგლებში მოეწყო მუნიციპალიტეტის ფერმერთა შეხვედრა ბიომასის წარმოებისა და გამოყენების ხელშეწყობის პროექტის ხელმძღვანელებთან. მათ დამსწრეთ გააცნეს კონკურსის პირობები და მისი სამეურნეო მნიშვნელობა, სარწყავი და სასათბურე სისტემების დიდი კომპანიის NETAFIM-ის წარმომადგენლები შეხვედრენ და გააცნეს ფერმერებს სარწყავი სისტემების და სათბურეების მოწყობის ტექნოლოგიები, მოეწყო ფერმერების და ადმინისტრაციული ერთეულების გამგებლის წარმომადგენლების შეხვედრა სადაზღვევო კომპანია „აღდაგი“-ს და „UNISON“-ის წარმომადგენლებთან სასოფლო-სამეურნეო კულტურების

დაზღვევის საკითხებზე, ასევე მცირე მეწარმეობის ხელშეწყობის სამთავრობო პროგრამით დადგენილი ბიზნეს იდეების კონკურსში მონაწილეობისათვის ორჯერ მოეწყო შეხვედრა ცენტრალური და რეგიონალური არასამთავრობო ორგანიზაცია თბილისის ბიზნესის ტრენინგცენტრის ხელმძღვანელ მუშაკებთან. სსიპ სურსათის ეროვნული სააგენტოს სააგენტოს ადგილობრივი სპეციალისტებთან ერთად მოეწყო ფერმერების კარტოფილის და ბოსტნეული კულტურების ფართობების დათვალიერება საკარანტინო მანეგების - კარტოფილის ჩრჩილის გავრცელების შესაძლო კერების დადგენის მიზნით. მოეწყო შეხვედრა შიდა ქართლის გუბერნატორის აპარატში ა(ა) იპ სოფლის მეურნეობის პროექტების მართვის სააგენტოს ხელმძღვანელებთან სამთავრობო პროექტის „დანერგე მომავალი“-ს პრეზენტაციაზე. წლის განმავლობაში რამდენჯერმე მოეწყო შეხვედრა მუნიციპალიტეტის გამგებლებთან და ადმინისტრაციული ერთეულების გამგებლების წარმომადგენლების მონაწილეობით შპს საქართველოს სამედიცინო სისტემების კომპანიის ტაშისქვის სარწყავი სისტემების სამმართველოს ხელმძღვანელებთან შიდა სარწყავი კსელების და ხცისის სატუმბო სადგურის მოწესრიგების თაობაზე. სასოფლო-სამეურნეო კოოპერატივების განვითარების მხარდაჭერის პროექტების შესახებ ორჯერ გეგნდა შეხვედრა სსიპ სასოფლო-სამეურნეო კოოპერატივების სააგენტოს ხელმძღვანელ პირებთან მეფუტკრეობის კოოპერატივების ჩამოყალიბებისა და არსებული კოოპერატივების საქმიანობის გაძლიერების საკითხებზე. მიმდინარე წლის ოქტომბრის თვეში საქართველოს სოფლის მეურნეობის სამინისტროს, რეგიონული სამმართველოს ხელმძღვანელი პირები და სამეცნიერო კვლევითი ცენტრის მეცნიერ მუშაკები შეხვედრენ სოფ. ვაყაში ფერმერებს ექსტენციის თანამედროვე ტექნოლოგიების დანერგვის საკითხებისა და სოფლის მეურნეობის განვითარებისათვის სამთავრობო პროგრამით გათვალისწინებულ პროექტებზე. კონსულტაციების მიღების მიზნით, მჭიდრო ურთიერთობა გვაქვს სოფლის მეურნეობის სამეცნიერო კვლევითი ცენტრის წარმომადგენლებთან. საანგარიშო პერიოდში ფერმერთა სრულყოფილი მომსახურების მიზნით კვლევითი ცენტრის მრავალწლიანი კულტურების დეპარტამენტის, ნიადაგის ნაყოფიერების სამსახურის და მცენარეთა ინტეგრირებული დაცვის კვლევის დეპარტამენტის სპეციალისტებს ექვსჯერ მივმართეთ ინტენსიური ხილის ბაღების სხვა-ფორმირებისა და ვახის, ღობიოს, კარტოფილის და პომიდურის კულტურებში გაერცვლებული დაავადებების სიმპტომების თაობაზე და ნიადაგის ნაყოფიერების განსაზღვრის მეთოდების შესახებ, რომელთა კვალიფიციური დახმარებით გადარჩენილი იქნა დასახელებული კულტურების წლის მოსავალი და შენარჩუნებული იქნა მიწის ნაყოფიერება. ჩვენს მიერ მიმართვა და მათგან რჩევებისა და პასუხების მიღება ხდებოდა სატელეფონო საუბრებით. ტრენინგები სამსახურის მუშაკებისათვის ჩატარებულია თორმეტჯერ, აქედან ორმა სპეციალისტმა საზღვარგარეთ გაიარა ტრენინგი და აიმაღლა კვალიფიკაცია. საანგარიშო პერიოდში ხაშურის მუნიციპალიტეტში განხორციელდა შემდეგი პროექტები:

1. შეიქმნა 18 სასოფლო სამეურნეო კოოპერატივი, რომელშიც გაერთიანებულია 119 წევრი;
2. პროგრამა „დანერგე მომავალი“-ში მონაწილეობა მიიღო 9 ბენეფიციარმა, მათ შორის ორი სასოფლო-სამეურნეო კოოპერატივია. მრავალწლიანი კულტურების გაშენებისათვის გათვალისწინებულია 40,7 ჰექტარი. მცირემიწიანი ფერმერთა საგაზაფხულო სამუშაოების ხელშეწყობის 2015 წლის პროექტში მონაწილეობა მიიღო სულ 13 456 ბენეფიციარმა, აქედან ხვნის ბარათი მიიღო 8 869 ბენეფიციარმა, ხოლო 4 587 ბენეფიციარმა კი 50 ქულიანი აგრო ბარათი მიიღო. აგროდაზღვევის პროექტით გაცემულია 10 ცალი პოლისი 329,4 ათასი ლარის ლიმიტით, 133 ჰექტარ ფართობზე. აქედან, 3 დამზღვევეს 86,75 ჰექტარზე ზარალის ასანაზღაურებლად მისდებოდა აქვს 45 792 ლარი. აგროკრედიტი მიღებულია სულ 3 896 450 ლარი, მათ შორის ძირითად საშუალებებზე 1 161 800 ლარი, საბრუნავ საშუალებებზე 2 734 650 ლარი. საქართველოს სოფლის მეურნეობის სამინისტროს სსიპ სურსათის ეროვნული სააგენტოს ადგილობრივი სპეციალისტების მიერ ხაშურის მუნიციპალიტეტში შესრულებულია მსხვილფეხა რქოსანი პირუტყვის აცრა თურქულზე და ჯილფზე ორჯერ, მოხდა დამუშავება ყირიმ-კონგოს დაავადებების საწინააღმდეგო პრეპარატებით 11 000 სულზე, წვრილფეხა გადაიცრა თურქულის დაავადებებზე 1 200 სულზე, ასევე მოხდა ყირიმ-კონგოს გამავრცელებელი ტკიპების გასანადგურებლად საძოვრების 500 ჰექტარზე ფართობის შეწვდლა მექანიკური წესით. მიმდინარეობს პირუტყვის იდენტიფიცირების სამუშაოები. სურსათის უვნებლობის მიმართულებით მონიტორინგი ჩატარდა მუნიციპალიტეტის ყველა საჯარო სკოლასთან არსებულ ბუფეტს, უვნებლობის პარამეტრებზე კვლევის მიზნით აღებული იქნა სხვადასხვა სურსათის 120-ზე მეტი ნიმუში, აქტიურად მიმდინარეობს ოპერატორთა დოკუმენტური შემოწმებები, დღემდე შემოწმებულია 252 ბიზნეს ოპერატორზე მეტი. ფიტოსანიტარიის კუთხით პერიოდულად ტარდება ფიტოსანიტარული მონიტორინგი, როგორც საკარანტინო მანეგ ორგანიზმების, ისე მასობრივი აფეთქებების უნარის მქონე მწერებზე და დაავადებებზე. 2015 წელს გაცემული იქნა 16 ცალი ფიტოსანიტარული სერთიფიკატი. 2015 წელს მთავარი ყურადღება გამახვილებული იქნა საქართველოს სოფლის მეურნეობის სამინისტროს მიერ ინიცირებულ სამთავრობო პროექტის „დანერგე მომავალი“-ს ბენეფიციარებზე დაყვანის მიზნით ჩვენს ჩართულობაზე. მოეწყო შეხვედრები გამგებების წარმომადგენლებთან მუნიციპალიტეტის ცამეტევე ადმინისტრაციული ერთეულის და მასში შემავალი უმეტეს დიდ დასახლებებში, როგორც მცირე, ისე მსხვილ ფერმერებთან და კოოპერატივის ხელმძღვანელებთან. პროექტის დადებით შედეგებზე და მოსალოდნელ ეკონომიკურ მასშტაბებზე განემარტათ ძირეულად. შედეგად 9 ბენეფიციარმა 40,7 ჰექტარზე უკვე წარადგინა საჯარო დოკუმენტაცია პროექტში მონაწილეობაზე, აქედან სამმა ბენეფიციარმა უკვე გააშენა 8 ჰექტარზე მეტი ხილის ბაღი, რაც უპრეცედენტოა 90-იან წლების შემდგომ. ჩვენი ჩართულობით და რეგიონული სამმართველოს თანადგომით, სამინისტროს წინაშე დაყენებული იქნა საკითხი „დანერგე მომავალი“-ს პროექტში მონაწილე ბენეფიციარის მიერ გასაშენებელი ხილის ბაღის ფართობის 5 ჰექტრიდან 1 ჰექტრამდე შემცირების თაობაზე, რომელიც დადებითად იქნა გადაწყვეტილი. სამსახურის ჩართულობით, გამგებების სამსახურის წარმომადგენლებთან ერთად, შერჩეული იქნა კახეთის რეგიონიდან რთველის პერიოდში სარეალბაციო ყურძნის ადგილები, რის შედეგადაც ყურძნის ბაზრობა ორგანიზებულია წარმართა. სამსახურის მიერ დაყენებული იქნა საკითხი მუნიციპალიტეტის ტერიტორიაზე არსებული სახელმწიფო საკუთრების 12 ჰექტარი სასოფლო-სამეურნეო დანიშნულების სახნავი კატეგორიის მიწის ფართობზე სსიპ სოფლის მეურნეობის სამეცნიერო კვლევით ცენტრზე ჯიშთა გამოცდისა და სანერგე მეურნეობის მოწყობისათვის გადაცემის თაობაზე, რაც დადებითად იქნა გადაწყვეტილი და აქ უკვე დაითესა ერთწლიანი საშემოდგომო კულტურე

(დასასრული III გვერდზე)

ბი, დაგვემილია მრავალწლიანი კულტურების ნერგების გამოყვანა და სხვა. ჩვენს მიერ მიზანდასახული მუშაობის შედეგად გრძელდება სასოფლო-სამეურნეო კოოპერატივების შექმნის სამუშაოები. მიმდინარე წელს სულ შეიქმნა და სტატუსი მიიღო 18 კოოპერატივი, 4 შექმნის პროცესშია. მუნიციპალიტეტის გამგეობის ადმინისტრაციული ერთეულის ხელმძღვანელებთან ერთად საბოლოოდ დავაზუსტეთ მცირემიწიანი ფერმერთა საგაზაფხულო სასოფლო-სამეურნეო სამუშაოების ხელშეწყობის პროექტში მონაწილეობის სიები. ჩვენი ინიციატივით შედგენილი იქნა საგაზაფხულო და საშემოდგომო ხვნების გეგმა-გრაფიკი და წარედგინა იგი შპს „მეკანიზატორ“-ს ქარელის სერვისცენტრის ხელმძღვანელობას. ჩვენი ჩარევით, ტექნიკის არასაკმარისობიდან გამომდინარე, ხვნის სამუშაოებში ჩართული იქნა ქვეკონტრაქტორი, ასევე დამატებით მეზობელ რაიონებიდან შემოყვანილი იქნა 16 ტრაქტორზე მეტი, რის შედეგადაც მარტო შემოდგომით 1900 ჰექტარზე მეტი ფართობი მოიხნა, ხვნის სამუშაოები მართვადი გახდა, ასევე მართვადი იყო თავთავიანი კულტურების აღების კამპანიაც, რომელიც 90-ი ან წლების შემდგომ ორგანიზებულად და შემჭიდროებულ ვადებში იქნა განხორციელებული.

ჩვენს მიერ მიცემული რჩევა-დარიგებისა და აპლიკაციის შედეგადაც დახმარების გაწევით 4 კოოპერატივი თანაგადახდით მიიღო 16 ცალი მიწის ტრაქტორი და ხელის სათესი საჩუქრად.

სამსახურის მუშაკების მიერ მოძიებული იქნა „ENPAR“-ის საგრანტო პროგრამები, რომელიც ითვალისწინებდა ბოსტნეული კულტურების თანამედროვე ტექნოლოგიებით მოვლა-მოყვანასა და იგი გაცნობილი იქნა ბენეფიციარებზე. ჩვენი ჩარევით ორმა ბენეფიციარმა მიიღო 2 ჰექტარი ფართობის ბოსტნეული კულტურებისათვის დაწვინებითი სარწყავი სისტემები თითოეულმა 7000-7000 ლარის ღირებულების.

არასამთავრობო ორგანიზაცია „Mercy corps“-ის პროგრამით სასოფლო-სამეურნეო კოოპერატივი „რაუდენ“-მა ჩვენი აქტიური დახმარებით მიიღო 30 000 ლარის გრანტი კარტოფილის სარგავი ტექნიკის, 2 ჰექტარი ფართობის სარწყავი სისტემის მოსაწყობად, სათესი და სარგავი მასალის შესაძენად. ჩვენი ჩარევით გამგეობის მიერ შექმნილი იქნა და დამონტაჟდა გამგეობის პირველ სართულზე ვესტიბიულში მინიტორი, სადაც ყოველდღიურად მიმდინარეობს აგრარულ საკითხებზე ვიდეომასალის დემონსტრირება.

სამსახურის მუშაკების თხოვნით ადგილობრივი გახეთი პერიოდულად გვიტომობს სვეტს „სპეციალისტი გვირჩევს“, სადაც ვაქვეყნებთ მნიშვნელოვანი ხასიათის პუბლიკაციებს.

მიმდინარე წელს, შემუშავებული იქნა სოფლის მეურნეობის დარგის განვითარების გრძელვადიანი პერსპექტივები, რომელიც მივუხადავთ მუნიციპალიტეტის განვითარების მრავალდარგოვან პროექტს. სათანადო ახსნა-განმარტებებს ვაწარმოებთ გამგეობის ადმინისტრაციული ერთეულის წარმომადგენლებთან ერთად სამთავრობო პროგრამების მოსახლეობაში გაცნობის მიზნით, რის შედეგადაც ათობით ფერმერმა და სასოფლო-სამეურნეო კოოპერატივმა მიიღო სარგებელი და განავითარა თავისი საქმიანობა.

სამსახურს თავის საქმიანობაში პრობლემები თითქმის არ გააჩნია, თუ არ გავითვალისწინებთ ინტერნეტის და პროექტორის უქონლობას. სამსახურში ირიცხება ოთხი საშტატო ერთეული და იგი დაკომპლექტებულია კვალიფიციური კადრებით დარგების მიხედვით, გარდა მეცხოველეობის დარგისა. სამსახურის შტატში გვესაჭიროება დამატებით ერთი შტატი, მეცხოველე სპეციალისტის, რადგან მეცხოველეობის დარგს ერთ-ერთი წამყვანი ადგილი უკავია მუნიციპალიტეტის აგრარულ სექტორში.

მიმდინარე წლის რწყვის სეზონი უკვე დამთავრებულია და იგი ჩვენს მუნიციპალიტეტში, თუ შეიძლება ითქვას, მიუხედავად ჩვენს მიერ მრავალგზის დაყენებული საკითხებისა, ძალზედ ცუდად წარიმართა. ჩვენს ხელთ არსებული ინფორმაციით, ხაშურის მუნიციპალიტეტის ადმინისტრაციულ ერთეულებში შპს „საქართველოს მელიორაცი“-ის მიერ ხელშეწყობილი მნიშვნელოვანი ხასის სამელიორაციო სამუშაოები მიმდინარე წელს არ ჩატარებულა და არც მიმდინარეობს. ხაშურის მუნიციპალიტეტის ტერიტორიაზე მდებარეობს ტაშისკრის სარწყავი სისტემების სათავე ნაგებობა, რომელიც ექსპლუატაციაშია 1953 წლიდან. აღნიშნული სისტემის 32 კმ-ი ცენტრალური მაგისტრალიდან თვითინებით სარწყავდება 2 800 ჰექტარი სასოფლო-სამეურნეო დანიშნულების მიწა, რომელიც მდებარეობს ქეიშეთის, ოსიაურის, გომის ადმინისტრაციული ერთეულების სოფლებში. ამავე მაგისტრალიდან 90-იან წლებში სოფ. ვაყაში მდებარე სატუმბო სადგურიდან სარწყავადებოდა მიწის ქვეშა კომუნიკაციებით „ზემო ხაშური“-ს, აღის, ფლევისა და წალვლის ადმინისტრაციული ერთეულის 2700 ჰექტარზე მეტი სასოფლო-სამეურ-

ნეო დანიშნულების მიწა, ასევე ხცისის სატუმბო სადგურის მეშვეობით 2003 წლამდე ირწყებოდა სოფ. ხცისის, მიწობის და წრომის 800 ჰექტარი მიწის ფართობი.

ამჟამად, მდგომარეობა მეტად არასახარბიელოა. ცნობილი მოვლენების გამო განადგურდა „ზემო ხაშური“-ს სატუმბო სისტემა და ასევე უმოქმედოდაა ხცისის სატუმბო სადგური. ფაქტიურად 6300 ჰა გასარწყავებული ფართობებიდან ნორმალურად გამართულია, მხოლოდ სოფ. ვაყის, სატყვის და გომის შიგა სარწყავი სისტემები და ირწყება 550 ჰექტარამდე ფართობი, ხოლო სოფლების - ზემო და ქვემო ოსიაურის, ცხრაშეთის, ქეიშეთის და ყიფიანთბინის ფართობების წყალუზრუნველყოფა ვერ ხერხდება შიგა სარწყავი სისტემების გაუმართაობის გამო. აღნიშნული სარწყავი სისტემების მწყობრში ჩაყენებით გასარწყავდება ასობით ჰექტარი სასოფლო-სამეურნეო დანიშნულების მიწა, ამადლევა სა-

სოფლო-სამეურნეო კულტურების საპექტარო მოსავლიანობა, გაიზრდება ფერმერთა შემოსავალი და 8300-ზე მეტი ოჯახი თავს დააღწევს სიღარიბეს.

აუცილებლობას წარმოადგენს აღდგენილი იქნას ამ 5-6 წლის წინ გაუგებარი მიზეზების გამო გაუქმებული ხაშურის სამელიორაციო სერვის ცენტრი, რომლის მატერიალურ-ტექნიკური ბაზა დღეისათვის ჯერ კიდევ შენარჩუნებულია. ამ ორგანიზაციული ღონისძიებების განხორციელება ხელს შეუწყობს მუნიციპალიტეტში დასაგეგმი სამელიორაციო სამუშაოების შესრულებას. აუცილებლობას წარმოადგენს შპს „მეკანიზატორ“-ს სახნავ-სათესი ტრაქტორები და აგრეგატები განლაგდეს ადმინისტრაციული ერთეულების მიხედვით, ან ბრივადულად, გადაადგილებისათვის საჭირო თანხების ფერმერების გადასახდელისაგან გათავისუფლების მიზნით.



„დანერგე მომავალი“-ს სამთავრობო პროგრამაში სასურველია გათვალისწინებულ იქნეს ვაზის გაშენება, რითაც ჩვენი მუნიციპალიტეტის მასშტაბით სულ ცოტა 200 ჰექტარი ვენახის გაშენების მსურველია, ასევე სასურველია პროგრამის ვადა გაგრძელდეს სულ ცოტა 2016 წლის შემოდგომამდე მაინც.

მცირემიწიანი ფერმერთა 2016 წლის საგაზაფხულო სამუშაოების ხელშეწყობის პროექტის ფარგლებში მოსახნავ ფართობებზე აგროვადებში ხვნის სამუშაოების ეფექტურად წარმართვის მიზნით, საჭიროდ მიგვაჩნია, ქვეკონტრაქტორს მიეცეს უფლება მუნიციპალიტეტის ყველა ადმინისტრაციულ ერთეულში ხვნის სამუშაოების ჩატარებაზე, როგორც ეს იყო 2013 წელს. აღნიშნული საკითხის დადებითად გადაწყვეტის პირობებში მოიხსნება პრობლემები სახნავი ტექნიკის ნაკლებობაზე.

მცირე და საშუალო ფერმერებისათვის, მათი საწარმოო საქმიანობის უკეთ წარმართვის მიზნით, სასურველია დაწესდეს შედეგითიანი მოკლევადიანი აგროსესხები საბრუნავი საშუალებების შესაძენად.

ხარისხიანი სათესლე და სარგავი მასალის შექმნა ფერმერებისათვის შესაბამისი სამსახურების მხრიდან სერიოზულ ხელისშემშლელ პრობლემად გადაიქცა, აუცილებელია ამ საქმეზე სახელმწიფოებრივი კონტროლის გაძლიერება.

ჯემალ გელაშვილი, სოფლის მეურნეობის სამინისტროს ხაშურის მუნიციპალიტეტის საინფორმაციო-საკონსულტაციო ცენტრის უფროსი

სიუჟეტი, რომელიც, აღბათ, არ დაიხსრუტება

კოკე

გიორგის ყველა იცნობს ჩვენს ქალაქში. გიორგიც ყველას იცნობს – ამველს, ჩამველს, კაცს, ქალს, დიდს, პატარას, გადამთიელს და გადმომთიელს... რატომ მიუხედავადმეცხადეს კოკე, არავინ იცის, არც თვითონ. არც აინტერესებს, ან რატომ უნდა აინტერესებდეს, თვითონ ხომ იცის გიორგია და სხვას, ვის რა სახელი მოუვა თავში, რა მისი საფიქრალია? სულ იცინის, იცინის ხმამაღლა, გადამდებად. ამ სიცილზე ყველა იცინის და იქ, სადაც კოკეა, მუდამ მხიარული გარემოა. ზოგჯერ აბრაზებენ, შეგნებულად, ჯიუტად... მაგრამ ვერ ადვილი არ არის კოკეს გაბრაზება. გამბრაზებულს ერთს გაუდიმებს, რაღაც თავისებურს ეტყვის და გამბრაზებელიც მასთან ერთად ჩაბჟირებად იცინის. სულ სუფთად დადის. ვერასოდეს ნახავთ მოუწესრიგებულს, ეს მისი ცხოვრების წესია და ჩანს, მზრუნველიც ჰყავს. მოკლე, საოცარი კაცია კოკე, ერთადერთი და გამორჩეული. კოკეს თავისი მუდმივი მარშრუტი აქვს – სახლი – ქალაქის ცენტრი, ქალაქის ცენტრი – სახლი. ზოგჯერ ვინმე თუ ჩაისვამს მანქანაში და სადმე გაასეირნებს, თორემ მარშრუტი, პრაქტიკულად, არასოდეს ირღვევა. ქალაქის ცენტრი კი მისი მერვე სახლია – არ აქვს მნიშვნელობა კონკრეტულად – მარკეტი, კავა, სათამაშო ბიზნესის ოფისები... ყველაფერი მისი სახლის ნაწილია და აქ ყველგან სახლშია. გულშემატკივარიც უამრავი ჰყავს – ძალიან ბევრი თვლის თავს ვალდებულად კოკე დაასაჩუქროს. არა, ღმერთმანი, თვითონ არასოდეს ითხოვს, მაგრამ თუ აჩუქებენ, გაუდიმებს და მადლობას უხდის. ათი, ოცი თეთრი, ლარი – ეს უკვე კოკეს კარგი კაცობის დამსახურებაა და დღის ბოლოს მუდამ აგროვებს გარკვეულ თანხას. ფულს არც ითვლის, არც არავინ იცის, თვლა თუ ეხერხება. ან რა საინტერესო ესაა? შუადღისას კოკეს

სადილობს დროა. მიდის გამყიდველთან, გაუწვდის ერთ მუჭა ხურდა ფულს, გამყიდველიც იღებს ერთი ლობიანის ან ერთი ხაჭაპურის საფასურს, ზედ ლობიანის ამატებს და კოკეს სადილიც მზადაა. ამის შემდეგ იწყება კოკესთვის ის წმინდა რიტუალი, რომელმაც კალამი ამადებინა ხელში. იგი მხარეთმცოდნეობის მუზეუმთან, პატარა სკვერში მდებარე საეკლესიო შესაწირ ყუთთან მიდის და დარჩენილ ფულს დაუთვლავდ ყრის ყუთში. საოცარი სანახაია ამ დროს კოკე თვალეები რაღაცნაირად უმწვიდვება. სახეზე კი, წამიერად ისეთი ნათელი ადგება, შეუძლებელია არ შეამჩნიო. ჩაყრის ფულს, რაც აქვს, რაღაცას ჩაიწურჩულებს და აუცილებლად ცას ახედავს... რამდენჯერ შევსწრებივარ ამ „რიტუალს“ და გული მუდამ ერთსა და იმავეს იმეორებს: უფალო, მეოხად დაგიდგები, შეუსრულე ამ ბიჭს თუ რამეს ვთხოვს... კოკეს მისია იმ დღეს ამით მთავრდება, მოცილდება შესაწირ ყუთს და ისევ ის კოკეა – მხიარული, უდარდელი, ლაღი... კარგი კაცია კოკე, რაღაცნაირად რომ უხდება ჩვენს ქალაქს, ისეთი... P.S. აქ ყველაფერი სინამდვილე, სახელები შევცვალე მხოლოდ. ვეკვობ, კოკემ ეს პატარა ჩანახატი თუ „პორტრეტის ესკიზი“ წაიკითხოს, მაგრამ თუ მაინც ვინმე წაუკითხავს, არ მიწადა, მას რაიმე ცუდი მოეხვეწოს და გული ვატკინო. კოკე არ იმსახურებს გულის ტკენას! გ. გოგოლაძე



ჩვენი წარმატებული ახცალგაზრდები ბურკა ლურსაქაძე - კემბრიჯის უნი- ვერსიტეტის სტუდენტი

დღესდღეობით ვცხოვრობთ ეპოქაში, რომელშიც ახალგაზრდებს უკიდურესად შესაძლებლობები ეძლევათ ცოდნის გასაღრმავებლად, გამოცდილების დასაგროვებლად და საკუთარი თავის სრულყოფილად წარმოსაჩენად. თბილისის სასულიერო სემინარიის სტუდენტი გურამ ლურსაქაძე იმ სწორედ ის ახალგაზრდაა, რომლის თავდაუზოგავმა შრომამ, მიზნისკენ სწრაფვამ და მონღოლოებამ ბევრი შეაძლებინა.



დღეს ის კემბრიჯის უნივერსიტეტში სწავლობს. მას ისეთი ცოდნის მიღების შანსი ეძლევა, რომლის დაუფლების შემდეგაც ყველა კარი ხსნილი იქნება მისთვის. უფრო დაწვრილებით მის მიღწევებზე და სამომავლო გეგმებზე გურამს გავსაუბრეთ.

- გურამ, ჰინჯულ რიგში, გილოცავ ასეთ დიდ წარმატებას. მოგიყვით იმ გზაზე, რომელმაც კემბრიჯამდე მიგიყვანა..

- დაიბადე სოფელ გომში. მე-5 კლასიდან სწავლა განვაგრძე დიმიტრი ყიფიანის სახელობის სკოლაში.

სკოლის დამთავრების შემდეგ ჩავაბარე თბილისის სასულიერო სემინარიაში. ამჟამად ვარ მეოთხე კურსზე და პარალელურად სწავლების კურსს გავდივარ კემბრიჯში მართმადიდებლური თეოლოგიის კუთხით.

- უფრო, რომ განვავსოთ, როგორ მოხვდი კემბრიჯში? - დიდი ბრიტანეთისა და ჩრდილო ირლანდიის ეპარქიამ დააფინანსა სასულიერო სემინარიის ერთი სტუდენტი, რომელიც სემინარიის პედაგოგებმა შეარჩიეს. მოლაპარაკების შემდეგ, კი გადაწყვიტა კემბრიჯში ჩემი წასვლა. სასწავლო კურსი არის ერთწლიანი. სწავლა დაიწყო ოქტომბრიდან და უკვე დავხურე პირველი სემესტრი, მეორე სემესტრი გაზაფხულიდან გავრძელებ და მისში უკვე დავხურავ კურსს. - გურამ, ვიცი, რომ რომელიც მიდიხარ გაცვლითი პროგრამით.. - არის ასეთი ფრანგული ორგანიზაცია „აისეკი“, რომელიც უზრუნველყოფს სტუდენტების სტაჟირებას და გაცვლით პროგრამებს სხვადასხვა ქვეყნებში.

წელსაც შეარჩიეს 50 სტუდენტი. შერჩევა ხდება შემდეგნაირად: სტუდენტები ავსებენ მონაცემებს, საკუთარ ბიოგრაფიას, უთითებენ ასევე სასურველ ქვეყნებს. ორგანიზაციის წარმომადგენლები უკავშირდებიან მათ, ხდება გასაუბრება და ტესტირება რამდენიმე ეტაპად. შერჩეული სტუდენტები ნაწილდებიან სხვადასხვა ქვეყნებში. ყველაზე პრესტიჟულად ითვლება გაცვლითი პროგრამა რომში, სადაც წელს შეარჩეული 10 სტუდენტიდან 2 ქართველი ვართ. რომში მივდივართ თებერვალში. ნიკოლო კოპერნიკის სახელობის გიმნაზიაში შევასწავლი ინგლისურ ენას და, სურვილის შემთხვევაში, წავიკითხავ ლექციას საქართველოს ისტორიასა და კულტურაზე. აღნიშნული პროგრამა გავრძელება 6 კვირა.

- რას გეგმათ ამ პროგრამის დასრულების დასრულების შემდეგ?

მინდა, სწავლა გავაგრძელო საბერძნეთში, რადგანაც მართმადიდებლური თეოლოგია სისტემური სახით, სწორედ აქ ისწავლება. დავამთავრებ მაგისტრატურას, შემდეგ დოქტორანტურას.

რა თქმა უნდა, წარმატება მინდა ვუსურვო გურამს საერთაშორისო ასპარეზზე. ნამდვილად მისასალმებელია, როდესაც ქართველები ასეთ მნიშვნელოვან ნაბიჯებს დგამენ და ორმაგად სასიხარულო კი ისაა, როდესაც შენი რაიონის წარმომადგენელი ევროპის ერთ-ერთ უდიდეს საგანმანათლებლო ცენტრში სწავლობს. ეს ჩვენი რაიონისთვის უპრეცედენტო შემთხვევაა და ამასთანავე, საამაყოც. ვიმედოვნებთ, გურამი დაგროვილ ზღვა გამოცდილებას ქვეყნის უკეთესი მომავლისათვის გამოიყენებს.



თ. ხანდაცვი

იოდის ლაფიციბი ბავშვებში და მისი პროფილაქსია

დღეისათვის მსოფლიოში ყველაზე გავრცელებული, არაინფექციური დაავადება იოდის ნაკლებობაა, იოდდეფიციტი. გამომდინარე იქიდან, რომ ჩვენს რაიონში მკვეთრად გამოხატული იოდის დეფიციტია, მსგავს თემებზე ყურადღების გამახვილება და მოსახლეობის ინფორმირება ძალიან მნიშვნელოვანია. ბავშვთა ენდოკრინოლოგიაც ზრდასრულთა ენდოკრინოლოგიის შემადგენელი ნაწილია, თუმცა შედარებით სხვა სპეციფიკა აქვს. განსხვავებით უფროსებისაგან, ბავშვებში სულ სხვა დაავადებები გვხვდება, მაგალითად, როგორცაა რაიტი. თუ როგორ შევივსოთ იოდის დეფიციტი, რა გავაკეთოთ მისი პროფილაქტიკისათვის, რომ თავიდანვე ავიცილოთ ის გართულებები, რომელიც თან ახლავს ამ დაავადებას, ამ პრობლემებზე სასაუბროდ, ბავშვთა ენდოკრინოლოგს ირმა წიქარიშვილს ვესტუმრეთ.



- ქალბატონო ირმა, რა იწვევს ორგანიზმში იოდის ლაფიციტს?

- ბავშვთა დაავადებებში, პირველად გილზე ჩიყვი და იოდის დეფიციტი დგას. ყველაზე მნიშვნელოვანი ფაქტორი რადიაციული ფონის ცვლილებაა. ჰაერის, ნიადაგის, წყლის დაბინძურება ერთ-ერთი გამომწვევია ფარისებრი ჯირკვლის პათოლოგიებისა. ენდემური ჩიყვი, რომელიც გამოწვეულია იოდის დეფიციტისგან, ყველაზე ხშირად ბავშვებშია გავრცელებული. შემდგომში ვითარდება დიფუზური ჩიყვი, ანუ ფარისებრი

ჯირკვლის გადიდება, როდესაც ორგანიზმს დიდი ხნის განმავლობაში არ მიეწოდება იოდის შემცველი პრეპარატები და სკვები პროდუქტები.

- რამდენად მნიშვნელოვანია ფარისებრი ჯირკვლის სრულყოფილად ფუნქციონირება ადამიანის ორგანიზმისთვის?

- ფარისებრი ჯირკვალში ხდება თირეოიდული ჰორმონების სინთეზი, მათ, უმნიშვნელოვანესი ფუნქციიდან გამომდინარე ორგანიზმის ღირებულებაც ეძახიან. ჩვენს ორგანიზმში არ არის ორგანო ან სისტემა, რომელიც არ საჭიროებდეს თირეოიდულ ჰორმონებს. მათი წარმოქმნისათვის აუცილებელია თირეოინი და იოდი. თირეოიდული ჰორმონები განაგებენ ცილების, ცხიმების და ნახშირწყლების საჭირო რაოდენობას, არეგულირებენ ნერვული, შარდსასქესო სისტემების მუშაობას, ტვინის ფუნქციონირებას, აგრეთვე მთლიანი ორგანიზმის ზრდა-განვითარებას.

- რა სიმპტომებით გამოიხატება ორგანიზმში იოდის ნაკლებობა?

- იოდდეფიციტის დროს სიმპტომები ძალზედ მრავალფეროვანია, ესენია: თმის ცვენა, კანის სიმშრალე, კბილების დაშლა, სწრაფი დაღლა, ცუდი განწყობა, სმენის და მეხსიერების დაქვეითება, ხშირი თავის ტკივილები, დაქვეითებული იმუნიტეტი, ათვისების უნარის დაკარგვა, გონებრივი შესაძლებლობების დაქვეითება, საჭმლის მომწელებელი სისტემის მოშლა. ბავშვებში ხშირად უჩივიან ყაბზობას. უკვე, ზრდასრულებში შეიძლება გამოიხატოს რეპროდუქციული უნარის დაკარგვით. მიუხედავად იმისა, რომ ფარისებრი ჯირკვალი პატარაა მოცულობით - სულ 18 მმ-ია, მაინც ყველა ორგანოსთვის სასიცოცხლოდ აუცილებელია მისი სრულყოფილი ფუნქციონირება.



- როგორ ვუმჯობესოთ ამ დაავადებას?

- მოგეხსენებათ, ენდოკრინოლოგიური დაავადებები ქრონიკულია, მაინც მართვადია და მუდმივ კონტროლს საჭიროებს, პირველ რიგში, აუცილებელია იოდის შემცველი პრეპარატების მიღება. იოდის დეფიციტის პრევენციისათვის, ერთი წლის განმავლობაში 3 თვიანი კურსი საკმარისი იქნება, ხოლო თუ იოდის დეფიციტი დადგინდა, მაშინ 6 თვიანი კურსი იქნება საჭირო. ადამიანის ორგანიზმში იოდის ყოველდღიური ნორმაა 90 მკგ (მიკროგრამი) ბავშვებში, დაბადებიდან 5 წლამდე. 120 მკგ - ბავშვები 5-დან 12 წლამდე. 150 მკგ - მოზარდებში (12-დან), 250მკგ - ფეხმძიმე და მეძუძური დედებისთვის. იოდის დეფიციტის შესავსებად სასარგებლოა ისეთი პროდუქტების მიღება, როგორცაა ფეიხოა, კივი, ზღვის პროდუქტები, რძის პროდუქტები, ზღვის კომბოსტო, თაფლი, ლიმონი, ნივლი და, რაც მთავარია, იოდიზირებული მარილი. აქვე, შეიძლება დავამატოთ, რომ აუცილებელია ორსულებმა ჩასახვის მომენტიდან, ძუძუთი კვების პერიოდის ჩათვლით, მიიღონ იოდბალანსი ნაყოფის სრულყოფილად განვითარებისათვის, რათა თავიდანვე გამოირიცხოს თანდაყოლილი დაავადებების ნიშნები, რომელსაც იოდის დეფიციტი იწვევს. მქონდა ორი შემთხვევა, როცა იოდის ნაკლებობის გამო, ბავშვი თანდაყოლილი კრეტინიზმით დაიბადა, ამიტომ მშობლებს განსაკუთრებული ყურადღება მართებთ.

- მომართვიანობა რამდენად ხშირია?

- მომართვიანობა ძალიან მცირეა. თუ აქტიური და ყურადღებიანი მშობელია, ან სიმპტომები მკვეთრად გამოხატულია, ამ შემთხვევაში მოწყაეთ ბავშვები გამოკვლევებზე. თუმცა, მინდა, მშობლებს მოვუწოდო, რომ ძალისხმევა არ დაიშურონ ამ დაავადების პრევენციისათვის, რათა შემდგომი გართულებები თავიდან ავიცილოთ.

თ. ახალკასი

კვლავ ბარნა იხედის ნაპირსკალი

2015 წლის 25 დეკემბერს, დიმიტრი ყიფიანის სახლ-მუზეუმს ესტუმრენ საქართველოს კულტურული მემკვიდრეობის დაცვის საა-




გენტოს გენერალური დირექტორი ნიკოლოზ ანთიძე, ხელოვნებისა და კულტურის განვითარების ფონდის დირექტორი მათე ტაკიძე. სტუმრებს შორის იმყოფებოდა დიმიტრი ყიფიანის მემკვიდრეობის წარმომადგენელი სოფო ისაკაძე. ნიკოლოზ ანთიძემ და მათე ტაკიძემ ისაუბრეს დიმიტრი ყიფიანის ღვაწლზე ქართველი ერის წინაშე და აღნიშნეს, რომ მათი ჩამოსვლის მიზანი იყო სახლ-მუზეუმის რეაბილიტაციის პროექტის გაქცნობა. ამ მხრივ უკვე გადადგმული იყო პირველი ნაბიჯები, როცა 2014 წელს, საქართველოს ყოფილი პრემიერ-მინისტრის ირაკლი ღარიბაშვილის ძალისხმევით დაფინანსდა პროექტი, მათ გამოხატეს მზადყოფნა და თანადგომა ამ საშვილიშვილო პროექტის განხორციელების საქმეში. უნდა აღინიშნოს ის გარემოება, რომ დიმიტრი ყიფიანის სახლ-მუზეუმმა

2015 წელს, გარკვეული სამუშაოები ჩაატარა იმ მიზნით, რომ ყურადღება მიექცია არსებული პროექტის დაფინანსებისათვის: ჰიზველი-2015 წლის 3 სექტემბერს, თბილისის ისტორიის მუზეუმში ჩატარდა ხელოვნების საერთაშორისო „ანემა მუნდი - 2015“, ფესტივალი, რომელიც ორი ქვეყნის, ლიტვასა და საქართველოს შორის მეგობრული დიალოგის გაღრმავებას უწყობს ხელს. ფესტივალის მონაწილეებმა, რომელშიც 12 ქვეყნის 30 მხატვარი მონაწილეობდა, დიდი მხარდაჭერა გამოუცხადეს დიმიტრი ყიფიანის სახლ-მუზეუმს და მხატვართა ერთმა ჯგუფმა გადმოგვცა ხელოვნების 7 ნიმუში. ფესტივალი გახსნა კულტურისა და ძეგლთა დაცვის მინისტრმა მიხეილ გიორგაძემ, ღონისძიების მსვლელობის დროს გეჟონდა და საშუალება და გავსაუბრეთ მინისტრს სახლ-მუზეუმის პროექტთან დაკავშირებულ პრობლემებზე. იგი დაგვიპირდა 2016 წელს მუზეუმის რეაბილიტაციის დაწყებას. მეორე - 2015 წლის 22 ოქტომბერს, საქართველოს ყოფილ პრემიერ-მინისტრს ირაკლი ღარიბაშვილს ხაშურში, აკაკი წერეთლის დაბადების 175 წლისთავის იუბილისადმი მიძღვნილი კონფერენციის მონაწილეთა სახელით გავუგზავნეთ ღია წერილი, რათა 2016 წელი გამოცხადებულიყო დიმიტრი ყიფიანის წლად და დაწყებულიყო დიმიტრი ყიფიანის სახლის რეკონსტრუქცია-რესტავრაცია. მესამე - 2015 წლის 16 დეკემბერს, უწმინდესისა და უნეტარესის, სრულიად საქართველოს კათალიკოს-პატრიარქის, ილია II ლოცვა-კურთხევით საპატრიარქოსთან არსებული ახალგაზრდობის სულიერი და ინტელექტუალური განვითარების ცენტრში, საქველმოქმედო გამოფენა გაიმართა, სადაც მონაწილეობა მიიღეს როგორც ქართველმა, ისე უცხოელმა მხატვრებმა: მურმან გენელიძემ, ილო პატაშურმა, ჯემალ კვანტალიანმა, ალექო ლომაძემ და შაკა კილაძემ. უცხოელმა მხატვრებმა; აინა პუტინამ (ლატვია) ელმირა შოკ პურმა (ირანი), ზიტა ვილუტიტემ (ლიტვა). ნამუშევრების გაყიდვის შემთხვევაში შემოსული თანხა მთლიანად უნდა მოხმარებოდა დიმიტრი ყიფიანის სახლ-მუზეუმის რესტავრაციას. ვინაიდან ნამუშევრები ისე სწრაფადარ გაიყიდა, ამჟამად ყველა ნამუშევარი მუზეუმის საკუთრებას წარმოადგენს. ღონისძიებას უძღვებოდა სრულიად საქართველოს საპატრიარქოს წიხოსანთა საზოგადოების საზღვარგარეთის მედიასთან და საზღვარგარეთ ურთიერთობის ხელმძღვანელი დავით კალინავა და მხატვარი ალექო ლომიძე. აღსანიშნავია ის ფაქტიც, რომ მუზეუმის რეაბილიტაციის საქმეში აქტიურადაა ჩართული მუნიციპალიტეტის ხელმძღვანელობა. მუნიციპალიტეტის გამგეობის ასეთი აქტივობა კი იმედს გვიტოვებს, რომ წელს ეს პროექტი აუცილებლად განხორციელდება. რევაზ ნოზაძე, ქვიშხეთის დიმიტრი ყიფიანის სახლ-მუზეუმის მენეჯერი

ლევან ტალასკაი, ლევან ელიუსაშვილი, თორნიკე კვინიკაძე ოლიმპიური ნაკრების წევრები გახლნენ

ცნობილი მწვრთნელის გიორგი კვინიკაძის აღზრდილები ლაშა ტალასკაძე, ლევან ქელესაშვილი და თორნიკე კვინიკაძე საქართველოს ოლიმპიური ნაკრების წევრები გახლნენ, რაც ახალგაზრდა სპორტსმენებისთვის უდავოდ დიდი წარმატებაა. მათ თავის ასაკში ისედაც პქონდათ მიღწევები, ახლა კი წინ უფრო მაღალი საფეხურია და, იმედია, არც აქ შეირცხვენენ თავს. განსაკუთრებით აღსანიშნავია, თორნიკე კვინიკაძე, რომელიც ჯერ მხოლოდ 17 წლისაა და უკვე უფროსებშიც იმკვიდრებს ადგილს. ნაკრების წევრობის უფლება კი ჩვენმა ბიჭებმა ახლახანს დამთავრებული საქართველოს ჩემპიონატის შემდეგ მოიპოვეს, სადაც თავისუფალ ჭიდაობაში თავის წონებში (შესაბამისად-57 კგ, 65 კგ და 70 კგ.) ბრინჯაოს მედლები აიღეს. ამჟამად საქართველოს ოლიმპიურ ნაკრებთან ერთად ბიჭები ბაკურიანში გადიან შეკრებას და მათი პოტენციალიდან გამომდინარე, არაა გასაკვირი, რომ უახლოეს პერიოდში მათ საქართველოს სახელით მსხვილი მასშტაბის ტურნირებში მიიღონ მონაწილეობა. ოლიმპიადაც არაა შორს და ვინძლო... ამ გადასახედიდან არც ეს ოცნება ჩანს შორს. წარმატებას ვუსურვებთ ამ სამეულს.



მედალები - წარჩინებულებს

ზოგადსაგანმანათლებლო დაწესებულებების მოსწავლეების სწავლების მოტივაციის ამაღლების მიზნით, საქართველოს განათლებისა და მეცნიერების სამინისტრო ყოველწლიურად სხვადასხვა პროექტს ახორციელებს, მათ შორისაა წარმატებული მოსწავლეების წახალისების პროგრამა წარჩინებულ კურსდამთავრებულთა ოქროსა და ვერცხლის მედლებით დაჯილდოების ქვეპროგრამა. პროგრამის მიზანია მოსწავლეთა აკადემიური მოსწრების წახალისება და წარჩინებულ მოსწავლეთა წარმოჩენა. სრული ზოგადი განათლების ოქროს მედალოსნის ატესტატს იღებს მოსწავლე, რომლის საშუალო საფეხურის საერთო ქულაა 10 დამრგვალების გარეშე და მიიღებს დადებით შეფასებას სკოლის გამოსაშვებ გამოცდებზე. სრული ზოგადი განათლების ვერცხლის მედალოსნის ატესტატს მიიღებს მოსწავლე, რომლის საშუალო საფეხურის საერთო ქულა არის 9.8 ან მეტი და მიიღებს დადებით შეფასებას სკოლის გამოსაშვებ გამოცდებზე. 2016 წლის 8 იანვარს, ხაშურის საგანმანათლებლო რესურსცენტრის უფროსის მოვალეობის შემსრულებელმა ზვიად გოგუაძემ, ხაშურის მუნიციპალიტეტის გამგებელმა გიორგი გურსააშვილმა და ხაშურის მუნიციპალიტეტის სპორტის, კულტურისა და განათლების სამსახურის უფროსმა კონსტანტინე ფრუიძემ მოოქროვილი და მოვერცხლილი მედლები გადასცეს მუნიციპალიტეტის ზოგადსაგანმანათლებლო დაწესებულებების 56 წარჩინებულ

კურსდამთავრებულს. გარდა ამისა, განათლებისა და მეცნიერების სამინისტროში აღმინისტრაციული წარმოება მიმდინარეობდა 2011-2012 წლის 4 კურსდამთავრებულის განცხადების საფუძველზე და მოსწავლეთა უპირატესი ინტერესის გათვალისწინებით, აღნიშნულ კურსდამთავრებულს სამინისტრომ მიაკუთვნა მედლები. შესაბამისად, 08 იანვარს აღნიშნულ



თქვენი სპორტული კარიერა სამაგალითოა

კულოცავთ ლეგენდარულ სპორტსმენს

ბატონო რამაზ,

ხაშურის მუნიციპალიტეტის გამგეობის სახელით გულწრფელად გილოცავთ დაბადებიდან 65 წლის იუბილეს! გისურვებთ ჯანმრთელობას, ბედნიერებას და ხანგრძლივ სიცოცხლეს!

პატივისცემით,

გიორგი გურსაძე

ხაშურის მუნიციპალიტეტის გამგებელი

ჩვენს ლეგენდარულ სპორტსმენს, რამაზ ხანშიაძეს, 65 წელი შეუსრულდა. ძიუდოს სამყაროში მისი სახელი იმ უდიდეს სპორტსმენების გვერდითაა, რომლებმაც თავი მთელ მსოფლიოს დაამახსოვრეს.

გილოცავთ იუბილეს და ჟანმრთელობას და უღებ სიხარულს გისურვებთ, გვამაყებთ!

პატივისცემით,

ხაშურის მუნიციპალიტეტის საკრებულოს სახელით

კახა შუბითიძე,

საკრებულოს თავმჯდომარე

65 - რამაზ ხანშიაძე - 65

ჩვენს მშობლიურ ქალაქს ისევ ისე უხდება და ამშვენებს 65 წლის რამაზ ხანშიაძე, როგორც ამ 30-40 წლის წინ, როცა პირველად დაიმშვენა მეორე ოქროს მედლით, სსრ კავშირის ჩემპიონი რომ გახდა ჭიდაობა ძიუდოში.

გვასახელა, გვასახელა, გვასახელა ნოეს ბიჭმა, ამაყად და ხმაბლ-ლაპარაკობდნენ ფლევის სასოფლო საბჭოს სოფლებში, პირველ რიგში, კი ნაცარგორაში, რომელიც უცებ გახდა ცნობილი ქვეყანაში.

იმ წლებში ხაშურის პარტიის რაიკომში ვმუშაობდი განყოფილების გამგედ. პირველი მდივანი კი ყველასთვის საყვარელი პიროვნება დემირ ნოზაძე იყო, წარმოშობით ალიდან და ის ხუთი თითივით იცნობდა ფლევის საბჭოში შეძგალ სოფლებს და მოსახლეობას.



თვითონაც მასწავლებლის შვილი, კარგად იცნობდა მასწავლებელთა კონტიგენტს, მათ შორის ბატონ ნოე ხანშიაძეს, ეს კი აორკეცებდა ჩვენს სიხარულს.

გვიანი საღამოა, ჩემს სამუშაო კაბინეტში პირველი მდივნის ტელეფონი აწკრიბდა - მოდიო, მოხოვა. აშკარად ჩანდა გახარებული იყო, -გაიგებ, რობერტ! - მომადახა შესვლისთანავე. მე ცოტა დავიბენი, ვერ მივხვდი რაზე იყო საუბარი. თუმცა, რამაზის გამარჯვების ამბავი უკვე ვიცოდი. ისევ თვითონ გამომიყვანა მდგომარეობიდან. რაღაც უნდა მოვიფიქროთ, რაღაცით უნდა წავახალისოთ რამაზიც და სოფელიცო.

რით შეიძლება წავახალისოთ? - იქით შევუბრუნე კითხვა. დემირი მაშინვე ტელეფონს დაწვდა და როგორც მივხვდი, საქალაქო საბჭოს ადმსკომში დარეკა. ვიდაცას შეეკითხა, მთლიანად იყო თუ არა ბინები განაწილებული? მერე მეორე ტელეფონს დაწვდა, რაიადმასკომის თავმჯდომარის მოადგილეს შეეკითხა, ავტომანქანების მსურველთა სია შედგენილია თუ არა? ესეც ასე, დანარჩენი ხვალ გადავწყვიტოთ, მითხრა. ხვალ დილით, თქვენ და მამა-შვილი ხარშიაძეები ჩემთან იყავითო. მეორე დღეს, დილის 9 საათზე,



უკვე მის კაბინეტში ვიყავით. მდივანმა გულწრფელად მიულოცა მამა-შვილს ესოდენ დიდი გამარჯვება და შემდგომი წარმატებები უსურვა რამაზს მსოფლიოს არენაზე. მერე ბატონ ნოეს უთხრა: -ბიძია ნოე, რაიკომის ბიუროს

გადაწყვეტილებით მცირე საჩუქარი გვინდა, გადავცეთ თქვენს შვილს და თქვენ რას იტყვითო? -რაზეა საუბარიო? - იკითხა ბატონმა ნოემ. შენმა შვილმა ან საცხოვრებელი ბინა უნდა აირჩიოს ან ავტომანქანა ურიგოდო. ნოემ რამაზს გადახედა. რამაზმა დაუყოვნებლივ ბრძანა: სოფელს გზები მოუწესრიგდეს და მე მეტი საჩუქარი არ მინდაო. შვილის არჩევანით გახარებული მამა რამაზს გადაეხედა, რამაზის თხოვნა მიღებული იქნა. მდივანმა მოითხოვა ავტოსატრანსპორტო საწარმოს და №5 საგზაო-სამშენებლო სამმართველოს უფროსები დაკავშირებოდნენ. გავედი ჩემს კაბინეტში და ცხონებულ ზაურ სახვაძეს გადავეცი „პირველის“ თხოვნა (ზაური მაშინ ავტოსატრანსპორტო გაერთიანების გენერალური დირექტორი იყო).

მას შემდეგ ბევრმა წყალმა ჩაიარა, როგორც იტყვიან - მეც გამერია თმაში ჭაღარა, იმ დღეთა სიხარული კი დღემდე გამოძვავა. უღრმესი მადლობა, ჩემო რამაზი ყველაფერ იმისთვის, რაც შენ გააკეთე შენი რაიონისა და შენი სამშობლოსთვის. ახლა აღარც ბატონი დემირია, აღარც ზაური, აღარც მამამისი. ნათელი და სანთელი მათ ხსოვნას!

იმ პირველი გამარჯვების შემდეგ რამაზი კიდევ მრავალჯერ გახდა სსრკ ჩემპიონი, ხოლო 36-ჯერ მსოფლიოს სხვადასხვა საერთაშორისო ტურნირების გამარჯვებული. ასეთი სახელოვანი და წარმატებებით აღსავსე გზა გაიარა ჩვენმა დღევანდელმა იუბილარმა. ეს გზა ბევრისთვის მისაბადი და საოცნებო იყო. უნდა ვთქვა, რომ რამაზი ტატამზე ნამდვილი ჰუმანისტი და ჯენტლმენი იყო.

თუ შეამჩნევდა, რომ მეტოქეს აშკარად სჯობნიდა, ცდილობდა, თავისი უპირატესობა, ისე გამოეყენებინა, რომ მეტოქის ღირსება არ შეეღალა. კოლოსალური შესაძლებლობების მქონე მოჭიდავე გახლდათ. მაშინ სსრკ-ს ნაკრებში მოხვედრა დიდ პრობლემებთან იყო დაკავშირებული. თუ მეტოქეს ათი თავით არ სჯობდი, ნაკრებში მოხვედრის შანსი ლამის 0-ის ტოლი იყო. რამაზს კი მაშინ ბადალი არ ჰყავდა თავის წონაში, მისთვის მწვანე გზა იყო მსოფლიო არენისკენ. მოჭიდავეთა დიდი სამო ახლაც სიამაყით იხსენებს რამაზის გამოსვლებს, მის არჩევულებრივ გამარჯვებებს. ამბობენ, ისეთი ძალა ჰქონდა მარჯვენაში, რომ თუ მეტოქის ხელს ჩაიკვებდა, დამთავრებული იყო მისი საქმეო. ნიანგის ყბა მასთან მოგონილი იყო. ყოველივე ეს უმოწყალო ვარჯიშის, ოფლისღვრის, ნებისყოფის წვრთნის შედეგი იყო. ერთ-ერთ ასპარეზზე, სადაც რამაზის უპირატესობა აშკარა იყო, მსაჯებმა სათანადო შეფასება არ მისცეს მის თავბრუსხვევით და ვერცხლის მედალს „დასჯერდა“. რამაზი არ გაბოროტებულა, მისთვის მეტოქე, არა მარტო მოწინააღმდეგე, არამედ ძმა და მეგობარი იყო. ეს გახლდათ მისი ფსიქიკურ-ფილოსოფიური მრწამსი. ჰოდა, იმ შეჯიბრში თავისი მეტოქე პარიზში, ეიფელის კოშკზე დაპატიჟა და ამ ნაცარგორელმა ბიჭმამ თავის მეტოქეებს სულ ჯორჯია, ჯორჯია აძახებინა. გვიან საღამომდე გაისმობდა ეიფელის ბოლო სართულიდან ქართული მრავალჟამიერის ხმა. როცა მეგობრული ვახშამი დამთავრდა, რამაზი ქართული ემიგრანტების ალყაში აღმოჩნდა და როგორც ამბობს ხოლმე „ახლაც ახსოვს მათი გაბრწყინებული, სიხარულის ცრემლებით ავსებული თვალები“. სხვათაშორის, სპორტის დამსახურებული ოსტატი, არაერთხელ მიიწვიეს საჭიდაოდ და სამოღვაწეოდ საზღვარგარეთ, მაგრამ რამაზისთვის, მხოლოდ ერთი სამშობლო არსებობს, რომელიც ნაცარგორიდან იწყება და მის გულში მთავრდება. დღეისთვის ამით ვამთავრებ, ჩემო რამაზ, თქვენზე საუბარს, დანარჩენის კი თქვენი 70 წლისთავის იუბილესთვის ვინახავ.

გაზეთის მწავალნიცხოვანი მკითხველისა და ვუნწაღისც-მეგობარ-თა სახელით გილოცავთ შობა-ახალ წელს და დაბადების 65 წლისთავს.

რ. სავანელი

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტიფიკაციო კოდი 443860984, ბანკის კოდი LBRTGE22, ანგარიში GE80LB0115114434590001. D-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე,
მისამართი: ხაშური, ტაბიძის ქუჩა №2. ტელეფონი: 24 30 27.

E-mail Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტი-
ფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.

შ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.